



叙

自古絕世才媛不經流離播遷其幽思不出而其名
必不傳如明妃文姬皆有漢一代名姝使當時者羈
縻不行烽烟淨息則兩人且弱質老於宮中摘詞不
出牖下顧安得聲施至今今聞其事者感慨唏噓讀
其詞者婉轉欲絕如墨客詞人所云云我故曰佳人
薄命非命薄也夫固以命薄傳其佳也余昔走馬向
長安道上見所謂蕙湘詩者四首清婉悲怨使人感
痛欲泣下每思傳其事而未得及來湖上則放鶴主

西湖扇
人已携友人成本矣主人事業文章炳寓內所過甘霖霈四野所著作篇章皆成霹靂聲何有于香奩數小詩而為傳奇若此然而為此者正如以宋廣平而賦梅花欲使覽者知絕世才媛遭時不偶以播遷發其幽思因淪落而傳其姓字為天下憐才者一澆塊塼也云爾

湖上鷗吏識

西湖扇

宋娟題清風店原詩并序

妾本虎林女也遇人不淑再罹干戈臘月甚寒疾之北上終日坐破車中噤々筋骨欲脫寒風慘裂塞馬悲鳴塵沙眯目真蔡琰車中胡妃馬上所不能彷彿者幾欲自剄念妾本良家流落至此曾與魏里顧生訂終身交顧才士必不棄予已沒念此乃又強食偶從將士閱省錄知顧已鄉薦旦夕公車過此恐謂妾已死遂爾捐棄故乘暇竊書此詩

西湖扇言
令知薄命妾猶然西湖月下心也當非與顧郎晤
時六橋明月十里湖山澄波蕩水萬籟蕭寂妾忽
悲泣卽舉酒醜之曰終當貯汝以金屋妾改顏謝
曰無媒妁何先是顧卽嘗懷一扇妾甚愛其扇上
詩詩為洞山方生作有曰蒼壁倚千尋空江自古
今浪翻丹樹合廟枕碧流深以四句妾甚賞其壯
亮高逸是時顧卽出此扇曰汝佳此人詩此人吾
好友卽以為媒妁可乎妾拜受之至今數濱死不
去衽中又聞此生亦領鄉薦或顧不及此萬一洞

山寓目焉幸與顧云妾尚在亦不負當日以胥長
公待先生意也

妾命如朔風飄然振落葉不入卽羅幃乃逐塵沙陌
妾本良家兒流落平康劫十三工秦箏十五好筆墨
尊前柔聲歌淚濕江州褶人謂妾顏好妾謂前生孽
武林遇公子知心不徒悅忽爾天地崩遂令山川別
一為俗子羈再為干戈綫噫破車中塵土滿髻髻
塞馬嘶寒風玄冰真慘裂披擲一羊裘皴肌冷如鐵
晝則強懽笑夜則潛哽咽誰謂文姬哀文姬猶逐關

西湖原
誰謂明妃怨猶能封馬鬣而我薄命妾終當染鋒血
胡不即就死心為公子結公子爾多情豈忘西湖月
公子爾多智豈不諒我節公子爾任俠忍妾委虎穴
公子爾多交交豈無豪傑媒妁扇上詩顛沛不忍擻
忍死一相待悲酸難再說又聞洞山方風流當世傑
爾既善顧郎何不一救妾

西湖薄命妾宋娟和淚書

宋蕙湘原詩

風動空江羯鼓催絳旌飄展鳳城開將軍戰死君王

繫薄命紅顏馬上來

春風如綉復如烟良夜心知畫閣眠今日相思渾是
夢筭來可恨是蒼天

廣陌塵沙滿鬢鴉北風吹雨落鉛華可憐明月篴篥
引幾度窮廬伴暮笳

盈之十五破瓜初已作明妃別故廬誰散千金齊孟
德鑲黃旗下贖文姝

西湖扇傳奇目錄上卷

開場

訂遊

閨訓

南侵

徵艷

廷諍

題扇

奸陷

憶扇

驚避

航海

分掠

前難

後難

不辱

壯征

雙題

下卷

參偈

遇詩

遼帳

悲扇

妬貞

逢故

歸道

雙蓮

竊扇

勢探

廷薦

亂盟

開宴

官訊

還旌

完扇

西湖扇傳奇三十二齣目錄終

西湖扇傳奇卷上

紫陽道人著

開場

蝶戀花今古排場無定案假假真真世事同秋扇風
惹遊絲春色亂漁郎笑指桃花片對酒高歌休按
劍醉眼蒙騰爭甚秦和漢夢裡閑情吹不斷呢喃且
聽雙飛燕

必園春顧君名士西湖結客命駕飛觴有宋家二美
題詩遺扇訂結鸞凰遇金兵劫掠南北分飛失故鄉

留翰墨清風店壁，三地淒涼。故人出使遐荒，覓跡尋踪，道路長。二宋同悲，一歸道觀，一陷官坊。逢扇在雲堂，續舊約，三人重邁。奸阻傳聞，面聖王，蒙恩配。登魁合扇，雙羨播詞場。

顧孝廉西湖雙贈扇 宋娟湘北路兩題詩
開學館遼東全二羨 頒恩詔南面配于歸

第一齣 訂遊

鵲橋仙

生上

風雲隱耀才名江表，太乙藜光夜照。

花爭羨鳳池，毛夢到碧雲青鳥。

閱閱江東翰墨林，錦囊佳製足追尋。謫仙未遇仍耽酒，司馬難孤許聽琴。小生姓顧名史，別號石渠，浙中武林人也。家傳太史之書，不數謝家門第，才過陳思之賦。何啻張緒當年，自今鄉書已薦，公車不遠，金蘭結契文藻聲氣如林。詩酒流連，吳越湖山在望，今當春明欲約同心數友，暫往西湖探勝。且喜同社陳兄，豪俠高爽，義氣過人，今許賜訪，未知到否。叫家童伺候來時早報。

丑曉得

番卜筮

外

懷寶氣衝霄，小草存幽抱。東牆談易過衡。

茅伏樞心難老

自家陳道東是也，今日顧兄約我相會，來此已是

門首門上有人麼？丑應介外 你說陳道東相訪，丑

報介生迎介 花外書聲近，外尊前蠟屐回，生柴門

原不掃，外知為客來開，生外揖介，生先生才高八

斗，名滿三都，不但文章可比晁董，道義重於雷陳，

聊具斗酒，少佐清談，坐飲介

解三醒生羨文壇久尊雅道，推蘭社風雪同袍，羊裘

蓬徑人難到，春杵下訂神交，當今友道輕浮，以黃金

為翻覆，就是名士，假稱聲氣，甚覺無味，如先生呵

高談雄辯，人驚倒，俠氣文心，定久要，合真同調，更不

須談詩論史說，劍揮毫。

外尊兄如此過獎，小弟何以克當，只是時事堪嗟，

世情日變，我宋家自南渡以來，不能興復，以錢塘

為都，上下偷安，又有奸臣力主和議，深為可慮，小

弟久懷忠憤，欲與敝師胡淡菴先生，率國學諸生

上疏力諫，未知何如。

前腔外嘆世運顛危，誰可造那白眼元龍氣，未消從

來娶緯多憂悼愁抱膝苦無聊生當此春風和暢湖
亭桃柳爭妍故友桐城吳玄亭頗有素心小弟欲
買舟載酒相邀借以解憂何如

生我待湖山遊賞尋芳草沽酒聽鶯過六橋合前我

聞西湖有一美人姓宋名娟頗通書史可請來以
成勝遊外小弟亦久聞此人如此絕妙

江兒水生蘭友交堪訂花神艷可招想莫愁湖上鶯

聲俏那西泠泉畔松風彌文場女史年方少早辦蓮
舟芒屨一路桃花不羨武陵仙棹外小弟還有一疏

要上待事完即來踐約

撥棹入江水外秀才家未成名心表表一箇家眼濶

眉高一箇家眼濶眉高總不如高陽醉豪選勝逍遙
也暫解憂愁如擣

尾聲生花明柳暗春先到免向鷄窻話寂寥外明月

西湖有洞簫

細雨微風湖上船 六橋花柳正嫣然

還邀西子明粧待 載酒題詩似去年

第二齣 閨訓

七娘子 老旦 春明柳色金蛾淺惜嬌雛正當少年 小旦

旦上 夢破鶯聲香聞花氣春風吹斷金猊篆

如夢令 老旦 黃鳥穿花紅溜紫燕點波青皺 小旦

睡起怯梳粧碧玉搔頭重扣 老旦 清瘦消瘦賦得

新詩幾首 相見介 母親萬福 老旦 老身蘇氏嫁與

金吾將軍宋門誥封冝人止生一女小字湘仙我

兒自你父親亡後侯門冷落家業凋殘養得你一

身嬌怯不覺年已及笄雖是針指女工婦女本等

你看古來賢女也須博古通今前日教你學詩且

喜你性格聰明天生風韻我有官扇一柄你可將

春蘭為題書之扇頭我看你詩中隱語便知你日

後佳期你可吟來 授扇介 小旦 謹尊母親嚴命但

孩兒無謝韞之才愧班姬之賦勉成短韻未必能

佳

出題芙蓉 老旦 山漁燈 鬢垂蟬年方艷傅粉調朱

閑弄書典 小旦 合 春光換困眼綿綿花前柳邊題詩

嗔逐遊絲捲愁辜負纖月濃烟恨殺紅香綠媽 出扇

介 老旦 我兒你思量遍把蘭皋珮牽 玉芙蓉 却不道

阿嬌拈筆似青蓮

小旦題詩介

詩成了請母親指教只怕還不得便

好送扇介老旦念詩介

九畹移根幾處栽香隨仙

珮下瑤臺春風零落還相識似逐湘臯太史來老

旦好詩好詩氣格既老風致翩翩只是一件大凡

作詩須要有些福厚氣象最忌不利之語恐成詩

讖你後兩句春風零落還要改成吉語才是我兒

朱奴帶錦纏

老旦朱奴兒

賦迴文才調罕傳吟飛雪

閨中名擅慧女風流逸致翩銀屏上鏡臺堪羨我兒

我看你才高柳絮質勝桃花須當擇一佳婿才好

小母親高年孩兒正當奉事不勞母親掛懷

錦纏道尾

小旦

那能勾人意并天緣蘭堂繡閣眉山

畫翠偏香滿梅花倩把桃夭心事付誰言

丑扮尼上

來酬南海普陀願借看西湖綽約山俺

是湖上法華菴尼僧來請夫人小姐三月三日燒

香到此不免逕入見科老旦老師何來丑俺小菴

大士開光三月三日西湖大會來請夫人同小姐

拈香

鶯乘風〔丑〕風雨杏花天，六橋春勝去年看。遊人車馬香塵輾，望湖亭那邊。過蘇堤，這邊放生池，路入招提院。〔合〕風前畫船，佛前繡幡，明日向普陀問禪。

〔老旦〕感承老師見招，至期同小女敬往赴會，即便

隨喜西湖多謝了。〔丑〕小僧救菴，當候夫人小姐，還

要早早過來，正是芳草迎仙棹，遊絲趁美人。〔下〕

尾聲〔老旦〕命嬌鬟收紈扇，我兒你好把新詩寫罷自

留連。〔小旦〕還怕湖上花枝照獨眠，鏡裡新粧映畫眉，詩成如夢費尋思。

欲將團扇尋蘇小，風急楊花却倒吹。

第三齣 南侵

北點絳唇〔淨扮金將領衆上〕紫塞沙黃，穹廬貂帳威風莽，逼漢侵唐，圖姓名凌煙上。

鐵騎千群掃汴河，笑他泥馬渡江波，已將和議留秦檜，奪取西湖錦繡窩。自家大金元帥粘沒喝，便是俺大金自一戰渡河，將宋家二帝驅之北去。中原萬里盡入版圖，康王南渡被俺追趕，直到錢塘。不料宋家又有張劉韓岳四將，與俺為敵，前已渡

江幾遭韓世忠毒手，那元帥岳飛屢破俺拐子軍，聲勢大振俺，今奉兀术太子將令統領五千人馬，前往江南一帶，出其不意沿江搶掠，使他兵疲地削，再加歲幣，自然一戰而亡，叫把都兒們可即分兵前去真州地方擄掠便了。

北折桂令

〔淨〕

羨花々錦綉，錢唐桂子，三秋十里荷香。

俺待要立馬吳山，投鞭越水，踢倒蠻疆。大古里撥琵琶，明妃夜唱，顛不刺擁鮫鮪，漢女成行。帳煖燒羊碗，泛酥漿，先掠秦淮，直下蘇杭。衆理會了，走陣介。

清江引 阿麻綽々不是浪打老鼠輕々放昂幫硬鎗毛古喇只一攘誰知道魁馬利一味都是說

第四齣 徵艷

憶秦娥

〔旦上〕

情難似蜂黃蝶粉嬌痕濕

〔貼旦〕

鶯花市

燕愁香倩曉粧新試

浣溪沙

〔旦〕

燕蹴新泥墮畫梁，海棠紅艷妬羅裳。日

斜無事夢初長，〔貼旦〕柳線春眠無限恨，桃花風煖

不成香，踏青湖外引仙航，〔旦〕自家宋娟々住西湖

之翠館，負南國之佳名，題詩潑墨，文人共結蘭盟。

送酒調箏弱質未諧鴛配自母親亡後與姨姪僑
 寓錢塘年已及笄擇人不遇當此三月春和百花
 亂放山水清和是好悶人也貼旦娟姐我看你明
 眸初溜如出水之芙蓉艷質輕盈似迎風之楊柳
 終日留心翰墨不喜逢迎似我們平康花巷偏宜
 車馬頻來楚館歌樓誰許冰霜自守還要尋一風
 流浪子韻致才郎早破瓜再尋良配豈不是好

旦說那裡話姨娘聽我道來

二郎神旦心中事似風花聽遊絲無定止任翠鈿銀

箏非我志牽紅拖綠怕春來零落胭脂那流水飄香
 情似紙望蘼蕪王孫誰是白我想那蘇小墳頭春草
 題詩貞娘墓上秋花寄恨到底有何結果唱說甚麼
 闌花枝嘆風塵悞却芳時貼旦娟姐你小小年紀就
 有這樣志氣其實可敬只是貴客難逢青春易度

前腔換頭貼旦嬌姿看輕盈仙態風流女史更染翰

揮毫誰得似分香贈珮御溝人待題詩那月老銀屏
 書姓字可不愛殺人雙合鴛翅合惜花枝想風塵自
 有良時娟姐你心中愁悶我和你上樓一看西湖春

色且自遣懷則個登樓介旦呀幾日春寒不曾登樓梳洗你看六橋桃柳遊人畫船又早熱鬧也

轉林鶯

旦

湖山綽約春水滋淡烟籠染西施那畫橋柳色湖心寺看遊人來往參差春光似水更多少佳人名士合結紅絲知那裡垂楊繫我相思

末扮家僮上陌頭載酒迎歌扇樓上看花引畫船俺乃顧府中院子奉相公之命來此平康請宋家女郎往西湖遊賞來此便是宋家門首不免送入有人麼貼見介此位何來末俺乃武林顧衙三月

清明因約衆相公遊賞西湖久知宅上宋家娘子特來奉請有白金彩段在此臨期自來迎接登舟便了貼多謝了請茶去末不勞還有勾當正是上客迴名馬佳人滿畫船下旦明日還是去好還是不去好貼娟姐說那裡話你既有心擇配到處自有良緣此行就遇才郎也不見得

啄木鸛

貼

隨緣去着意兒况有青鸞啣箋至從來風流才子多是富貴情人如能湊巧縮同心自有連環

得名流便配雄雌

旦

怕撩雲撥雨無終始盟花買月

心難恃細腰肢盈々舞袖羞澁捧金卮
姨娘還要陪
我同行才好貼這也使得臨期再作理會

尾聲貼女兒家心事嬌如此旦湖上花明未可辭合
正好整頓春粧映畫眉

第五齣 廷諍

點絳唇末扮黃門官上
月影龍樓星寒珠斗聞殘漏
袞袍開奏香滿黃金獸自家黃門官是也
早朝時候

天子早已升殿不免在此伺候外持笏公服上
草野封章出位難緘口嗟陽九覆皇誰救
跪把丹衷剖

自家國學生陳道東是也受業于胡濙菴先生魯
同劾奸黨王倫阻其和議目下金兵南犯滿朝表
武各官全無一言直諫俺陳道東以國學下士
知不係言官來此午門外率諸生四百餘人力止
和議不免伏闕奏聞末早朝將罷文武官有何表
表就此披宣外舞踊拜介

啄木兒外抒愚慮供聖籌念國事殘疆難共守
歛金縉屈膝龍庭守燕棟甘為牛後自金兵以和為名阻
我士氣加幣不已必至加兵梓宮未返天王狩往來

空墮奸人殼，臣願力誅和議奸臣，自踊東海而死。臣不願慶小朝廷學沐猴。末官裡道來朝廷久慶和議

陳生不係言官何得妄奏外臣草莽下士陳言不

避斧鉞

前腔外甘誅戮除佞柔秦檜王倫是國讐欲依違曠

位全身更誰能為君引咎唯々諾々顏何厚累々暮

若章還綬臣願修兵防戰仍遣一老成大臣往金國

力爭彼知我國有人加幣之謀不爭而止那裡有出

使和如柱壁投末官裡道來陳道東本該重慶姑念

書生免罪着大臣會議外謝恩介萬歲萬々歲

三段子外杞人隱憂望丹宸蕩蕩未收恤娶嘆周幾

前籌批鱗枉求垂堂厦傾誰能守一木空閑扶天手

何似高陽學縱酒俺陳道東上書不用到也罷了只

怕奸臣恨俺以此傾陷這也隨他

歸朝歡外投閑去投閑去得休便休甘石隱浮雲遠

岫奸臣的奸臣的無端禍由抱孤憤痛心疾首俺如

今避世埋名藏身遠遯佯狂避禍便了想四方兵火

生烽埃江山半壁難依舊還只怕北地南冠盡楚囚

獨把封章奏九天 孤忠無計挽龍泉
當時止有秦長脚 身在南朝心在燕

第六齣 題扇

丑扮艍子棹歌上 西湖好似一箇美阿子嬌，朝也
子搖來暮也子搖，淨扮艍子上 搖來搖去六條子
橋，一株楊柳一株子桃，丑不怕春風吹得開，還子
落哩，只怕金兵來到砍去作柴子燒囉，淨西湖好
致景難子描，花，綠，一似西施女裙子腰，那個
金家立馬吳山來，看子個景囉哩，把一箇西施女

剝的赤條子條囉，相見介丑阿哥金家兵馬那得
到這里，淨你不看韓世忠王麒麟記，不是金山夫
戰圍住兀术，如今杭州也做遼陽閑話，休說你們
今日樓船上有生意麼，丑有有有今日武林顧衙，
定在這裡請客遊湖的，想必就到阿哥你浪船上
好不擺設齊整，有何官客，淨這是錢塘門外宋家
老安人同他小姐上，靈隱寺法華菴拈香就便遊
湖的，我們正是一路哩，一言未了你，看看香車寶馬，
畫舫笙歌，早則來也呀。

女冠子引 生 葑湖玉嶠江烟海日烘潮貼旦旦梅雪

初消桃霞乍燦錦囊聲氣遊人初到 小生吳玄臺上

山陰邀泛棹正堪載酒尋春携柑聽鳥 外上 閑愁空

自惱且向蘭社移樽暫開懷抱 共見科

小重山春入湖山草正芳六橋烟水滑馬蹄怯 小

生安排蠟屐踏花香 旦蘇小墓紅紫鬧新粧 外風

起絮飛揚江山無限恨付持觴畫船蕭鼓足清狂

合天下事吾輩有何妨 生向 小生介吳兄久約西

湖小第忝屬東主况當蘭亭祓禊之期動山陰訪

戴之興設酌徵歌以慰久濶 小生小第久附蘭盟

又聞道東具疏大壯士氣 外小第狂言不足為重

今日且自樂遊再莫提起 生所說有理正是使

得身後名不如生前一杯酒且自登舟上船介看

酒過來 旦進酒介內做樂介

好事近 合縹緲兩峰高金碧禪宮光耀斷橋橫渡湖

光遠涵芳草飛花影照散天香一片笙歌繞 生你看

遠一隻畫船美人半垂歌扇是好風致也 望介可

與娟娘稱為並美似洛神解珮湘臯如絳葉凌波仙

島丑上望湖亭去下

前腔丑扮尼姑老旦小旦上合宮鞋新繡踏青郊儘

遊賞拾翠尋芳春曉丑夫人小姐上到小俺拈香再

遊湖去佛香草氣偏稱梅檀烟罩珠旛影裡梵音清

隱帶歌聲俏丑那一片青光隱便是蘇小墓林和

靖梅花山塢了望梅林鶴放孤山送桃花燕歸蘇小

下

千秋歲生小生旦外上過橫橋綠皺波紋遠聽憑

鶯啼林杪杜宇提壺杜宇提壺一聲叫到春光歸

早楊柳外輕風渺西冷畔泉流飛瀑桂槳搖芳藻

飛鳧浴鷺香芷蘭荇下

前腔丑老旦小旦暈紅消羅袖香烟裊羞荅滿隱

花貌渡岸移舟渡岸移舟亂紛人面香塵遮道丑

你看雲鎖高峰風起雨來大家上岸躡行趕入城去

作急行介嵐光下烟雲杳雨洒波荷珠圓跳怕風飄

翠帶露濕紅綃生小生外旦貼旦左旋上丑老旦小

旦右旋上串行作冒雨介雨來了

越恁好合水雲深處水雲深處并香肩翠袂搖一群

西浦... 卷上... 廿五
兒鬧蹌、蹴綉鞋、拂花帽、眼睜、路旁、眼睜、路旁、覓
笑吟、似新人、兒逢著、舊交、羞慚、眉兒、嬌滴、粉
面兒、倚着、鮫鮓、遺香、鈿墮、翠翹、雨後、餘青、了似、窸花
蛺蝶、取鬧、爭巧、小旦遺扇、衆下、生衆吊場、諸兄、你着
湖烟山雨、遊人各散、頃刻間、雨歇雲開、青山如洗、
又早明月、東升、湖光蕩漾、船子、可將、樓船、直至、湖
心、同娟娘、吹簫、度曲、作清夜之遊、豈不甚快、念如
此妙絕、須要、連句賦詩、以紀清賞、丑小人在岸上
拾得金扇一柄、不知何人遺失、生看扇介呀、待我

看來有詩在上、念詩介九畹移根、幾處栽、香隨仙
珮下、瑤臺、春風零落、還相識、似逐湘臯太史來、倘
賦春蘭、錢塘宋湘仙題呀、分明是遊湖女子、遇回
所遺、如此佳人、真可羨也、小生願兄久負詩名、何
不因韻而和之、今娟娘與蕙湘、姓氏既同、才色堪
并、小弟願以此扇連二宋之歡、即作伐柯之斧、外
吳兄所言甚妙、生小弟才短、願與兩兄共聯、除詩
介山下雲根處、栽小生還疑採藥入天台、外小
弟雖借、還勞娟娘結尾才妙、湘蘭并作嬋娟、眼旦

春燕秋鴻去復來，生好詩好詩，結語宛轉，悲涼可
續扇頭之咏，稱為二美。小生俺就将此扇代願兄
為聘，今夜月明之下，便訂鵞交，洒酒湖山，即為盟
誓。贈扇介旦妾風塵賤質，願相公金玉仙標，豈敢
以蒲柳見辱君子。生說那裡話。小生一向蓬飄，伉
儷未遂，如他日富貴可期，當貯子以金屋。小生看
酒過來，我二人為願兄把盞，共揖介。

前腔 生旦合唱 天緣真湊美，天緣真湊美，喜團圓扇
影，招詩句兒，推敲春作韻，蕙生標光淋，彩毫光淋。

淋彩毫見一行，筆尖兒伏着下，稍皎亭，月兒冷
澄，水痕兒吹着玉簫，邀丹鳳下碧霄，今夜花星照
似綵山子，晉並遊嵩表，小生月色已闌，可盡醉而歸。
送娟娘歸帳行介

紅繡鞋 合仙舟齊湧，蘭橈蘭橈，寶馬疾走，金鑣金鑣，
湧金門，隱殘照，燈火近，好良宵，重整宴，付香膠，城門
將閉，是必趨行，走介。生扶旦介。

前腔 合蘭香玉質，妖嬈妖嬈，嘲風弄月，逍遙逍遙，陽
臺雲夢，方渺詩作春酒，成交偕，百歲永藍橋。

尾聲新詩紈扇成雙好柳絮梨花夢未消只恐杜鵑
聲漸老下

第七齣 奸陷

醉落魄 大淨 當朝權重誰能抗刀鋒只在眉尖上看
笑猫卧虎翻覆聽平章

自家相國秦檜是也俺自秘奉金朝之命力主和
議衆將俱已釋兵可奈陳道東小畜生率國學諸
生赴闕陳言十分無狀雖聖上不納其言俺胸中
憤氣如何消得不免尋思一計行思介呀有了笑

介這厮原說遣一老成大臣往服金國以退歲幣
不免便差這厮前去那大金是個殺人的魔君眼
見得斷送了他妙哉妙哉

醉羅袍 淨 狂生可恨言無狀當車奮臂怒強梁教他

萬里去投荒風波難脫瞞天網就是這些國學諸生
結黨詆毀大臣也是法所不容的笑科笑他無知寒
士說白論黃沽名釣譽興災致殃都教羅織成奸黨

丑有事不敢不報無事不敢亂傳稟上老爺小人
打探陳道東同社在西湖結盟與歌奴宋娟飲酒

題詩、誹謗朝政、抄得同船姓名在此、淨看笑科、呵、呵、這些書、許多文武弄我不過、你就要來撼本、山、左右傳地方緝捕官、俱打做事件、俺自有處、又、恐陳道東連合這些狂生、再弄口舌、我如今將他、同差官、齎表、由海道上燕都、不死于金國、也死手、風浪了、書、書、書、你言多何益、

前腔 淨温台海接燕、遼港孤舟一葉泛、扶桑御風無

計出東洋、吞舟魚腹將身葬、陳生陳生、你就脫海中、風浪也、難免那金國的牢籠、你就學蘇武還鄉料也、

不能勾了、羶廬有雪、還須自嘗、上林無雁、何時返鄉、教伊將身死、向投蠻瘴、

堪笑狂生不自謀、敢將唇舌犯王侯、揚名未必能千古、遺臭何妨到萬秋、

第八齣 憶扇

祝英臺近 小旦綠陰濃、春似海、病怯消羅帶、倦厭梳

粧、夢破春無賴、老旦兒女關心、嬌痴牽恨、偏憎向踏

青南陌、我見你、自西湖、冒雨回來、終日懨懨、成病、我

為娘的、放心不下、你有何心事、可向我說來、小旦

自那日遊湖，冒了風雨，又將所題詩扇，一時失落，物雖細微，不知怎的，頗覺闕情，以此心中不快，好生愁悶。老旦呀，原來將這扇遺失了，我見這些小事，何必掛懷，只是女孩兒家姓名筆迹，不可流落於人，以後小心便了，我兒看你。

歸搭絮

老旦

翠橫眉黛，春夢印桃腮，無語低回，白紵

宮衫懶去裁，女孩兒終日無情無緒，忒粧呆意懶情，乖無事的，落花飛絮，雨淚常揩，似你這恨月愁花，懷抱何時得好，開女兒家，漸長成，就是這等俺也無

可奈何，就是扇頭詩句，一時不見也，自罷休，你姨娘在揚州居住，久要和你去探望，稱此春天要買舟江北，且去走走，散你悶懷，正是懷春少女，偏多事，落水揚花不散愁，下小旦吊場，母親去了，我想那日遊湖遇雨，行至中途，有幾箇少年，一路奔忙，俺那時兩下闕情，不免留盼，將衫袖兒一垂，拋失了詩扇，想必那生拾去，到也罷了，悲拜，若是此扇落俗子手中，豈不可惜，教俺怎不牽掛。

前腔

小旦

齊紈光采，細竹輕排，拂袖香來，墨漬雲痕。

玉有胎我，那春蘭詩呵。當初因何落了，我宋湘仙名
 字。感矜才落款，招牌悔煞。那柳拖長袖，雨褪弓鞋。果
 是那人拾去，也不枉了奴家一場心事。怕只怕落水
 沾泥，把斑扇湘妃付草埋。

春風無限繫離情，樓外黃鸝送客行。

團扇已隨紅葉去，御溝南北水無聲。

第九齣 驚避

丑扮家僮上，閉口深藏舌，安身處，牢老鴉遭彈
 打，只為嘴驚。俺小子因何道此兩句，只因陳相

公上疏，叅了秦太師老爺，如今使地方緝捕官，將
 這些同學相公，一箇一箇拘禁，不許出門。前日西湖
 遊賞，就有奸細，捏成結黨邪謀的事，款送入秦府。
 那秦檜好不利害，多少忠臣良將，俱遭他毒手。何
 况幾個窮酸，如何抗得他過，不免稟知相公。各人
 見機遠避便了。一言未盡，看相公和娟娘來也。

懶畫眉 生整冠上，巫山一枕夢迷茫。花裡遊，蜂粉褪

黃扶頭酒醒日，初長畫眉乘興學。張敞新染雙蛾翠，
 黛長。

旦上相公萬福。生娟娘看你嬌容宛轉，情致可人，雖郵亭一夜之歡，已訂月老百年之約。你萱草初逢春雨，梅花已露香心。小生以詩扇為盟，就當荆釵了。旦妾以平康賤質，得配鸞凰，但恐鶯花易過，山盟難完。出扇介使妾有秋風團扇之悲了。

前腔

旦

輕羅小扇，隱薰香已把腰肢付。三郎壽陽梅額，換鴉粧，怕鶯啼花落，隨春蕩柳絮。東風一樣狂。

丑上流鶯喚起章臺夢，驟雨偏驚上苑花。稟上相公，如今秦太師老爺因陳道東相公上疏傳下聖

旨，將太學諸生一槩禁錮。前日西湖遊賞，已有奸人將三位相公同娟娘名字，俱報入秦府，說是結黨邪謀，一遭毒手，便難解脫。不如送娟娘回去，各自潛藏。生驚介呀，有如此奇怪事，快請陳道東、吳玄亭二位相公同來商議。丑相公還不知，那陳相公已被秦太師拏入法司，幸得聖旨寬恩免罪，立遣差官同他上北朝進表，從溫州海道上船去了。那吳相公聞知，一陣風星夜回桐城而去。你還在夢中哩。下旦泣介如此怎麼好，速收拾大家離此。

再作理會。

玉胞肚生神驚魂漾勝遊年來多禍殃生驚開楚雨
巫雲頓勾除柳眠花放似雙雙飛燕隔絲颺轉眼風
波各斷腸。

笑介道東玄亭既聞此信如何不別而去想是我
兩人新交情美不肯敗興就去了如今薄具白盞
彩段先送娟娘回去待事體結局再來親迎便了
旦泣介正爾交歡忽成離別教人如何割捨得丑
上促裝科請相公娟娘上船去罷

玉交枝旦情波蘭漿盼分途山遙水長澹花細雨平
湖浪教人淚洒春江愁心不逐落花降芳魂滿送新
潮漲藕絲牽鴛盟未償柳藤纏鵲橋難傍生娟娘俺
詩扇相投豈肯負約。

江兒水生意氣湖山約溫柔水月鄉那詩紈蘭扇天
相餉想團圓月照西湖上更翩翩韻次才人唱生背
介就是前日扇頭題詩的女子尚不能忘况是娟娘
豈能割捨何日雙珠歸掌便歡慶生悲也添出許多
情況生旦握手科如此分別何以為情

撥棹入江水旦我是飛花命怕蓬飄沒合只愁

他夢斷河梁只愁他夢斷河梁兩下裡魂搖暗傷從

此去一樣徬徨似牛女天河遠望就此作別還要前

途保重別介

尾聲合江花溪柳分相向兩岸青山送去航你切須

向西湖詩上想

湖烟春盡柳初眠 風外簫聲散畫船

幾處吹笳明月夜 何人倚劍白雲天

第十齣 航海

燕歸梁

外上

去國孤身不足悲信直道難為奸回巧

計陷遼圍滄海外問漁磯俺陳道東因率太學生赴

闕上書參劾秦檜不料這厮奸計就奏聖上特遣

俺同差官往金國為使又說金兵今在江北不便

陸行使俺泛海直至遼東我想大丈夫盡忠於國

原不以死生為念何況俺胸中直氣正好因出使

少壯國威笑科秦檜秦檜你那曉得俺陳道東原

有蘇卿的氣節洪皓的行藏今海船已備差官還

不見到丑扮差官上衆雜海路八千里去國投荒

十九年見科陳先生往日俺朝向金朝納貢由江北陸路而行今因何故却從海道這等風波羞官其實去不得老先生此行也太險了外羞官你不知凡人命在天行歲已定况有君命何辭險危此乃定海縣地方就是入海的潮港了叫艚子祭海開船泛大洋而去罷扮艚子開船掌號起篷科

泣顏回

外

浩渺接天齊望扶桑影掛朝暉金光摇曳

波開萬頃琉璃孤舟難繫渺天涯一葉飛無際我想田橫以五百人不肯臣漢魯仲連欲蹈海而死不肯

帝秦這都是英雄義士俺陳道東雖不及你二人可

羨田橫守島雄心學魯連蹈海知機丑陳先生你看

東南隱々茫茫就是日本琉球既入大洋全無正路只是信風飄去海中又有大魚怪物善能吞舟如吞在魚腹中又是一部化人遊傳奇了

前腔

丑

六鰲砥柱久傾危桑田日變陵谷遷移龍宮

蛟室揚塵過劫成灰那秦始皇當日求仙也是枉然鞭橋駕電想蓬萊飄渺真難覓似浮槎可比張騫望方壺難遇安期內風起了快收蓬龍神夜叉遶場上

外坐搖介丑滾地介

香柳娘合任風濤亂吹任風濤亂吹波揚沙沸浮生
一命真休矣望龍神護持望龍神護持生死在幾微
飄泊果無地見天吳往來見天吳往來歲頭霽尾悠
然而逝衆下丑罷了我了念佛介外丑起科

前腔

外

喜天風頓收喜天風頓收海澄雲霽射蛟投

壁吾何畏我想人情反覆仕路風波何異于此想人
間世途想人間世途無往不平陂顛危實難避笑奸
邪過謀笑奸邪過謀費盡心機頃刻千里丑已到天

澤地不日就到中都了陳先生好福氣呀

尾聲唇宮海市重上歷鵬翼凌風渡海飛蘇武還期
仗節歸

第十一齣 分掠

水底魚淨扮粘沒唱領衆上白草黃羊天山獵虎狼

長弓大箭中原作戰場丑扮婁室上恨他南宋不肯

降開戲耍掠邊疆打草穀搶婆娘元帥在上俺婁室

參見見科淨自今南宋與俺國講和他不肯加俺

國歲幣前日秦檜打將信來叫俺搶他江口他好

力主和議，咱們分作兩路，俺往揚州旱路，你往儀真江口，料他兵殘將寡，不敢迎敵，就此分兵前去。

衆行介

紅繡鞋合軍聲殺氣飛揚，飛揚擒賊，須要擒王擒王打江口，渡錢塘揚州女，羨無雙，搶一對做偏房。

第十二齣 前難

生同丑：上身無彩鳳，雙飛翼，心有靈犀一點通，俺顧石渠自別娟娘，要往桐城訪友，避些風波，恐舟行不快，只得就旱路趨行，你看江北人家，好冷落。

也

北新水令 生策馬上村墟日澹野無烟，暗消魂桃花人面，江流千古淚，琴斷一時絃，兩意纏綿，兩意纏綿。

恰又是乍別離，春色晚下。

南步嬌 老旦小旦上 流水楊花風吹轉，天遠遊人倦，揚州何處邊，總望金山又浮天，塹一路行來，人民紛亂走，那得船來渡江，城郭亂紛然，見夕陽古渡。

旌旗閃下

北折桂令 生上 亂征雲驚起飛鳶，我意懶心馳，駕力。

加鞭鞭行不行介俺只見細柳情牽流鶯喚轉天影

愁懸內喊科生聽介是何處軍聲助喊誰能勾退後

居前又不見士女春遊沒要緊塵生香汗黑氣迷天

下

南江見水老旦小旦野渡愁風鬢臨流照水鬟長江

隱漁舟散前村窸人聲暗黃昏慘行程倦跋

涉深閨誰慣一路艱難始信道人離鄉賤下

生上呀遠望見一女子恰似湖上遺扇美人一

樣不免追上去細看一番遠望介

北雁兒落帶過得勝令生俺只見襲輕塵檀袖襯紅

衫露春纖玉筍籠金釧你道俺恰相逢無一言那知

俺同遊處曾相見果若是寫湘蘭寄素紈安知我聯

詩句收羅扇當日個回船險蹴得鞋跟斷今日個馬

前直盼得餓眼穿俺碩石渠真是痴也那有這等巧

事俺只將宋湘仙三字高念看他如何喚介宋湘仙

宋湘仙天緣俺這裡低把名兒喚狂也麼顛他那裡

縱聞聲肯浪傳下

南園林好老旦小旦伴夜月誰喚啼鶯送春歸空憶

錦箋生急上念前詩九畹移根幾處栽，香隨仙珮下

瑤臺速念速行介小旦誰相和蘭社詩篇，曾何處見

猶憐又生近老旦小旦避下

北收江南生呀舊西湖又到小江南，隔東牆宋玉眼

睛穿，怎能勾天生二美，跨雙鸞一味裡胡纏，呆書生

折盡了福和年

南僥令老旦小旦逢人偏掩袖，欲語半含酸，只見

車馬前途風烟黯，是何處郵亭且息肩下

丑扮婁室率眾喊上遠望見一個秀才，一個婦

人放槍前去生老旦小旦上串行科

北沽美酒帶過太平令，合塵起處馬亂喧，旗過處甲

兵攢現，挽着離弦箭，大戟長刀壓戰鞍，見羊裘垂瓣，

喊聲沸朔風，羶荒野裡人民逃，竄村落裡紅烟撩亂，

到處裡屍橫血濺，無處避流星掣電，俺呵說甚麼前冤

現，冤情緣禍緣，呀會騰那叫不出各行方便，丑眾提

生小旦科綁了，再往前殺將去

北尾生可憐見風流才子篩糠戰，小旦今夜裡團扇

相思夢不圓，眾你兩箇放下心兒慢，的端

第十三齣 後難

丑末扮差官上 丑賣法朝、樂欺公日、開末饒
 你好似鬼、見面要官錢、俺錢塘兩個官差便是、只
 因太學生陳道東、惱了秦太師老爺、要訪拿同遊
 湖的相公、內有歌妓宋娟、名字、如今這些相公
 各人遠避去了、只有宋娟、是個出名的小娘、現
 在湧金門內、你我到他家拿個訛頭、得些油水、有
 何不可、正是不將奸詭計、難得世人財、行去、
 此間乃是宋家門首、叫門介 裡面有人麼、貼旦上

風狂驚燕語、日暖怯鶯啼、見介 二位上司何來、請
 坐看茶來、丑你家可是有名的宋娟、麼、貼妾身
 姓梁、外甥女兒姓宋、請問有何話說、末出票牌介
 你家既是杭州府有名的姊妹、詩詞歌賦、無所不
 知、難道不識字、你可自去看、貼看念介 為黨謀
 誹謗事、首犯陳道東、碩史、吳方并、歌妓宋娟、仰
 役緝拿解部、勿遲、旦聽虛下、貼笑介 二位大爺在
 上、當日曾有顧相公、先約遊湖、那日娟娘寔不曾
 去、丑怒介 你們這等人家、見錢就滴出血了、不消

開講，叫出宋娟，來府門前去，貼科貼二位大爺請坐，有個此須薄禮，攸銀二十兩，暫為一茶，望乞方便一二。末這是官事，難說敢賣法不成。丑也罷，我們不受，又說是難為他了，待官府問時，只說一槩俱在逃了，正是有錢開笑面，無利昧良心。下

貼娟娘快來。旦姨娘，我已聽勾多時，這些人因顧公子遊湖，終日來囉哩，我想不如且離此處，還上桐城，訪問顧生消息，倘得相見，可了前緣，你我從良，豈非好事。貼娟娘所言極是，只是不出閨門，一

路水宿風餐，須要耐些勞苦，如此悄悄下船去罷，恐人知覺，反為不便，裹頭改粧，鎖門介。

山坡羊 旦影飄飄，楊花無定路，迢迢水澄山映亂絲，紛遊絲繫愁，病懨懨人遠，分鸞鏡，魂暗驚，天涯獨自行，湖邊詩句團扇親，留影月缺花殘，雲迴烟暝，我想顧相公，他也不是薄倖的，只是他行踪不定，難恁遊子蓬飄，歲易更，關情被底鴛鴦，夢不成。

貼娟娘此去桐城，如遇見顧郎，便可安身，倘然不見，又說江北金兵大亂，那時却投何處去好。

西海廟 卷上 廿一
前腔 貼望依、朱門歡慶眼巴、紅絲盟証孤怯、
山郵水程開攘、南北關河迥身太輕兒家忒志誠、
嘲風詠月那箇真實應才子多狂佳人薄命你兩人
雖有扇頭詩句呵、難聽浪蕊浮花水上萍雲英何必
區、上玉京天晚了、下船上岸且投旅店去、虛下介
丑扮伏路金兵上挽弓當挽強、用箭當用長、末射
人先射馬、擒賊須擒王、俺乃粘元帥營裡夜不收、
咱元帥差俺在儀真口探哨、在此埋伏等候、看有
何人到來、拿去獻功、伏 虛下科 貼旦旦上、今難聽

浪蕊浮花水上萍雲英何必區、上玉京

丑末出拿科甚麼人、黃昏時候、走來走去、莫不是
逃難的麼、貼妾乃良家姊妹、二人往江北探親、望
乞都督饒恕、跪介 丑來看喜科起來講話、如今德
靜無人、你們二人遇見我們一對、就是天配姻緣、
成其夫婦、明日送你上路、豈不兩便、戲 接介 旦俺
本良家之婦、來此探親、便行姦騙、這分明是個草
賊、能可殺死我二人、誓不失節、丑怒介這等無禮、
罵我們是賊、我比你那宋家皇帝老兒還大些、寔

和你說，俺是金國大元帥標下夜不收，來此巡邏。你既不服，拿去獻上元帥，教一班女戲罷。旦貼哭介罷了，遇見金兵了。

憶多嬌合聲咽哽，魂驚迸風波陡地逢。坎井淚洒，明妃青草塚，血染胭脂。夢斷飛鴻朔境，衆擁旦貼下。

第十四齣 不辱

菊花新外同丑持旌節上一封天詔下遼陽，歷盡滄濤海路長，風急塞沙黃。為國丹心猶壯，差官俺自溫州下海，幸遇順風不消數日，直抵天津，就是燕京。

了不日就有金國差官到此問俺，負得之禮，你可把胆放開些，休折了我宋朝的銳氣。俺自有話對。

地丑陳老先生為國忠心，誠為可敬。但北朝勢大，兵強我江南，一向進貢納幣。這些使臣都是以前諸侯陪臣之禮，見他家官兒，也要嗑頭的。如今秦太師只發下一路文表，使先生口講歲幣，分明是雜為你我了。老先生還要小心奉承幾句，大家回去。這個狗骨骸兒不是要的。副淨扮達官衆上。官在皇華使門迎重譯人，八方通玉帛，四海盡來賓。聞

得宋國差官進表納貢，因何不來投脚色進見。左
右傳他進來投見。丑扯外科陳老先生快進去。
我們先行庭參禮見，再遞脚色。外差官你可去說。
使臣乃遠來大國重賓，聖旨在身，不便私謁。叫他
奏知金主親自升殿行九賓聘享之禮。俺方拆讀
詔書。丑照稟介副淨怒介。嗟俺家自許南宋講和，
加歲幣一百二十萬，叫他稱臣納款，還不甘休。這
個使臣來得古怪，得緊既然如此，只得奏聞。下
菊花新
禾扮兀术太子旗仗隨上。中都王氣鎮遐荒。

四海梯航進朔方，立馬躍錢塘。何日投鞭破浪，俺大

金國自滅遼克宋，建國燕都爭奈南宋恃有長江。

未歸一統自今王倫秦檜往及講和俺曾加幣百

萬他今日尚未議從待彼國使來時必要折挫一

番。副淨稟上我主今有宋國使臣來納幣又說行

聘享九賓之禮方肯開詔。末這等胡講他宋國進

表稱侄已將大宋皇帝二字削去就是陪臣了如

何要行賓禮叫他面奏。外同差官上。丑跪拜外持

節立介。末問宋國使臣因何不跪。外怒介。

泣顏回外大宋舊天邦未許偏陞顏頤河山雖改猶

存萬里長江貴朝用兵十年可稱天下無敵那劉錡

順昌之捷韓世忠鎮江之勝吳璘大戰仙人關岳飛

直搗黃龍府也略見宋朝的人物了那張韓劉岳取

中原直抵穹廬帳當時岳元帥若非秦檜以金牌召

回也未必還有今日恨道傍控馬書生致奸邪屈陷

忠良

前腔末言語太麤狂輒敢郎當強項搖唇翻舌腐儒

不識存亡你那二帝困死五國城中只有江南一岸

之地幾番入海渡江僅存殘喘若不因你納幣求和

豈容到今日殘疆微弱總逃生一域終當喪叫左右

將此人拿去殺了衆擁刀逼外介丑戰叩頭介笑粉

榆狂效鷗鵬似當車奮臂螳螂外不動指末介俺道

東萬里飄洋輕身到此絕域何惧一死俺是讀書

君子說幾個古人你聽

榴花泣外相如齊壁叱咤犯秦皇存邯鄲叱秦強這

是中國的事就是你國中舊典有那蘇武你可曉得

麼上林齒雪牧羝羊冰天雪霰泣穹蒼乾坤甚廣就

西漢書 卷一 十五
投荒去國心尤壯，李陵碑荒草寒烟明。妃塚至今無恙，副淨好大話。

前腔 副淨 窮酸厮養義氣尚昂，笑輕生不忖量。你則道臨危授命裂劄腸，丹書青史有輝光。這等人殺之無用，反傷兩國和好，不如流徙于漠北，使他困苦而死。那風沙磨障一納頭魂送蠻郊，莖白狼河隔斷鴻書，胭脂嶺遠竄龍荒。丑 扯外介 陳先生你拜了罷。大金皇帝如今不殺你了，外 不理介。

尾聲 外 大丈夫何惧投烟瘴，丑 患難你須遍嘗。合 那

黑海黃沙你慢享，擁外奪旌節下。

第十五齣 北征

香柳娘 淨扮粘沒喝引衆縛旦上 過吳陵渡頭，旌旗馳驟見啼女，哭人驚走掠揚州江口，掠揚州江口，喊殺鬼神愁，四野如奔獸，見群俘女流，見群俘女流，淚掩星眸，塵沾紅袖。淨 搶了揚州一帶婦女千人，衆把都見好生押解回中都去。下。

前腔 丑扮樓室縛生小旦上 聽前軍已收，聽前軍已收，留軍斷後鞭敲金鐙，歡聲奏叫軍士吹打齊唱，凱

歌回去外掌號吹角介笑南兵盡逃笑南兵盡逃士
 女尚嬉遊倉皇落吾手望燕都路長望燕都路長白
 日驅行夜間防守叫把都見這個秀才女子不許交
 頭接耳夜間將男女分作兩房上繩加鎖下

前腔衆隨生旦小旦同上見兩軍並營見兩軍並營
 營分左右大家解甲齊呼酒衆元帥軍令下來婦女
 男人做兩下防守我們大家把這幾個男女分開鎖
 他一夜明日起營小旦旦右背坐介鎖男兒這頭鎖
 女兒那頭隔壁莫潛偷隄防有疾溜這酸丁不羞這

嬌娘不羞踰牆可接忽馬在後衆下掌號起更科
 前腔生坐左向唱聽營中一更聽營中二更驚魂暗
 逗鴛鴦反落鷹鷂鼓外吹角介小旦右背聽三更悄
 然聽三更悄然四野角聲悠郊外青燐走旦右背夜
 迢三更夜迢三更外喊起營科軍馬聲喧明星
 殘漏衆放生旦起科天明了起營前去元帥有令先
 將婦女前行男人隨後先驅旦小旦下生吊場
 呀這女子分明是宋娟娘了如何也被擄在此連
 那同行的女子也去了俺小生石沉大海線斷風

西漢唐 卷上 廿
箏再不知何日能會，只得隨營北去，好苦也。下

第十六齣 雙題

二郎神慢 旦 難存濟，嘆薄命，羈囚累繫，聽雁唳，長空
雲似水，正塞北，晚秋天，氣馬上胡笳，知幾拍，似敗葉
因風自墜，傷心處，銀餅墮，井無地，進尋消息，出扇介
一重愁，兩重愁，塞北江南無斷頭，羈身似楚囚，恨
難收，淚難收，團扇悲秋，不待秋，相思付水流，奴家
宋娟，自與顧郎別後，曾以詩扇許托終身，時
收藏懷袖，誰想遭逢兵亂，孤身被擄，南北各天，此

身生死不保，這段姻緣也索罷了，今夜宿在清風
店，這是真定府了，你看一庭秋月無限淒涼。

二郎神 空垂淚，嘆孤蓬任飄零，無地涼，月空庭，寒不
寐，西湖曾誓畫橋柳，偃花低，那月落杯香，肩並倚，想
當日題詩贈扇，呵空羅扇團圓計，日合枉留題，似御
溝流水紅葉東西，我想那扇頭原有一女子題詩在
先，後來在湖邊失落，才到俺手中，今日他也是枉
然了。

前腔 痴迷遊絲易散，落花難起，柳絮沾泥，心不已，湘

臯留珮、蕭娘流落，誰知空面掩琵琶。和淚漬，縱有字
賓鴻莫寄。合前旦虛下。丑末扮夜巡軍士上。自不整

衣毛，何須夜々號。這些被雞的小娘們，從來是不
出閨門的。如今落在雞中，一路上只得坐車騎馬，
冒雨冲風，一個家啼々哭々，苦的當不的。這清風
店是燕京大路，我們奉元帥將令，把婦女先解入
京。今夜好月色呀，角聲不斷，胡馬悲鳴。這些婦女
在院子裡睡了，阿哥稱此無事，你取筆硯來，把這
婦女花名冊寫起來，好點名。末取筆硯寫介。正黃

旗下婦人一名宋娟，係錢塘人，鑲黃旗下女子。

一名宋湘仙，杭州府人。這兩個姓名來歷相同，想

是姊妹了。正藍旗下李如花，王鬼臉，係娼婦原籍。

不同。這些婦女都睡了，我們各自歇息罷。下旦持

扇上。你看這些押車的軍兵都自去了，稱此月色

正好在廊下閑步一回。我想此乃南北大道士客

往來甚多，何不將奴家流落苦情作詩一首題于

粉壁之上。那願生雖是文士，海內知名，倘有便人

傳去，他以千金贖我，再續前緣，也未可知呀。恰好

有筆硯在此，放扇取筆思介。

轉林鶯 旦 風飄霜葉辭樹飛，陌頭回首羅幃拂。搗

詩介：妾夢如翔風，飄然振落葉，不入郎羅帷。乃逐塵

沙陌 唱 更迢迢，萬里羶車似漢宮。遠嫁明妃，又題介

武林遇碩生，知心不徒悅。紉扇訂幽盟，百年珮未結。

忽尔天地崩，遂令山川別。塞馬嘶寒風，玄冰真慘裂。唱秋

風燕子知王謝，誰家門地。題介：願郎爾多情，豈忘西

湖月媒妁，留詩扇悲酸，難再說。放筆遺扇介：憶佳期，

西湖明月留不住，舊腰圍。詩已題在扇上，不免自己

吟咏一遍

啄木鵲 旦 題詩就和淚揮，粉壁淋漓悲又喜。那生如

見這詩呵，投至得雁足傳書，拚千金蔡琰重歸，怕雲

迷錦字人難覓，蒼梧竹老湘娥泣。悲介：望依稀，黃塵

哀草消不盡，數行啼。內云：那間壁小娘子睡罷，只管

絮叨叨，明日還要上路。旦驚忘扇下

小旦上：角聲悲自語，月色好誰看。隔壁喧寒，俺宋

湘仙自經擄，北來不覺又是深秋了。外吹角介

集賢賓 小旦 中宵嗚咽寒角吹，奈魂斷香闈青鬢風

沙羞再理，聽啼鳥孤影難栖，殘燈獨對，見慘淡一天，
 霜氣行科，還自悔當初不上揚州，那有此禍，生逼做
 烏孫遠配，你看粉牆一帶有數行墨跡，念旦詩介西
 湖宋娟，題這分明是一個大家兒女了，既說得
 遇碩生如何，又說是未嫁，俺不免也將此愁，寫詩
 於後，題詩介江上胡笳夜半哀，廣陵潮盡大旗開，
 將軍戰死殘城破，薄命紅顏馬上來，落花飛絮任
 高低，面掩風沙馬北啼，誰把千金酬孟德，鑲黃旗
 下贖文姬，錢塘宋湘仙題，投筆見扇介何人遺，下

詩扇在此，看扇驚介呀，這分明是我春間所題，五
 湖失去，因何在此。

簇御林

小旦

還珠痛，今劍悲似孤山鶴，再回這扇兒

不知落在何人手中，今日又得相逢，那多情物在還
 重會，况人生離合能無異，又添了一首新詩在上，合
 果稀奇，那舊詩成讖，新句是誰題，我曉得了，上有贈
 娟娘為聘，這就是牆上題詩的女子了，只是軍中
 人多，不得通個信息。

前腔天將曙，馬亂嘶，又連營動鼓聲，把扇兒且自牢

牢記這新詩舊恨非容易，我想那人失了此扇，又同
 我湖上失落的是一樣。合果稀奇，一詩二美，得失總
 難窺，且自收藏。內掌號催行科，快上車子走罷。
 尾聲。小旦逐牛車，隨征轡，更千軍萬馬去尋誰，他自
 方知扇是媒。

西湖扇上卷終

